

Канон Пресвятой Богородице в честь иконы Ее «Утоли моя печали»

Празднуем 25 января (7 февраля)

Тропарь, глас 5-й

Утоли́ болéзни многовоздыха́ющия души́ моея́, утоли́вшая
вся́ку слезу́ от лица́ земли́, Ты бо челове́ком болéзни
отгони́ши и грéшных скорби́ разруша́еши, Тебе́ бо вси
стяжа́хом наде́жду и утвержде́ние, Пресвята́я Ма́ти Де́во
(дважды).

Слава, и ныне: тойже.

Песнь 1

Ирмос: Во глубинé постла́ иногда́ фараонитское всево́инство
преоружённая си́ла, воплощёеся же Сло́во всезло́бный грех
потреби́ло есть: препросла́вленный Госпо́дь сла́вно бо просла́вился.

Припев: Пресвята́я Госпоже́ Богоро́дице, услы́ши моли́тву раб
Свои́х, моля́щихся Тебе́.

Яже всем удобь послу́шная в скорби́ и в печа́ли
помога́ющая, Богоро́дице благая́, благода́ть пода́ждь пéти
Тя дерза́ющим, Влады́чице, скорбя́щих Ра́досте.

Пресвята́я Госпоже́ Богоро́дице, услы́ши моли́тву раб Свои́х,
моля́щихся Тебе́.

Многобогáтнюю благода́ть стяжавши́, Влады́чице,
дерзнове́нную Твоею́ моли́твою пресла́вно изми́ мя от
напа́стей, убо́гаго раба́ Твоего́, скорбя́щих Ра́досте.

Слава: От враг ви́димых и неви́димых изба́ви, мо́лимся, к
Тебе́ прибега́ющих, Богоро́дице, и разори́ всяк совет
бору́щих нас.

И ныне: Оты́ми поноше́ние челове́ческое и клеветы́
наветник от мене́, Богоро́дице, молю́ Тя, да усéрдно сла́влю
Го́спода, Его́же пита́ла еси́.

Спаси́ от бед рабы́ Твоя́, Богоро́дице, я́ко вси по Бо́зе к
Тебе́ прибега́ем, я́ко неруши́мей стене́ и предста́тельству

(ПОКЛОН).

Песнь 3

Ирмос: Утверди нас в Тебе, Господи, Древом умерщвлей грех, и страх Твой всади в сердца нас, поющих Тя.

Пресвятая Госпоже Богородице, услыши молитву раб Своих, молящихся Тебе.

Врагов наветы разори суетныя, всепетая Богородице, и не оскудей молитвами Твоими, снабдящи нас, восхваляющих Тя.

Пресвятая Госпоже Богородице, услыши молитву раб Своих, молящихся Тебе.

Призри, Чистая, милостивным Твоим оком и избави мя всякаго навета видимых и невидимых врагов, ослепивши зеницы очес их.

Слава: Злое нападение врагов, яко огонь, палящее, ищущих всегда погубити нас, Дево, росюю молитв Твоих угаси.

И ныне: Неугасимая лампадо, заря присносиятельная, нощию мя скорбей одержима просвети молитвами Твоими, рождающая Солнце славы Христа.

Спаси от бед рабы Твоя, Богородице, яко вси по Бозе к Тебе прибегаем, яко нерушимей стеной и предстательству (ПОКЛОН).

Господи, помилуй (трижды). Слава, и ныне.

Седален, глас 2-й

Моление теплое и стена неборимая, милости источник, миру прибежище, прилежно вопиём Ти: Богородице Владычице, предвари и от бед избави нас, едина, вскоре предстательствующая.

Песнь 4

Ирмос: Услышах, Господи, глас Твой, егже рекл еси, глас вопиющего в пустыни, яко возгремел еси над водами многими,

Твоему́ свидѣтельствуяй Сы́ну, весь быв соше́дшаго Ду́ха, возопи́: Ты еси́ Христос, Бо́жия му́дрость и си́ла.

Пресвята́я Госпоже́ Богородице, услы́ши моли́тву раб Свои́х, моля́щихся Тебе́.

Моли́тву неусы́пну, заступле́ние твёрдо мо́лим: умилосе́рдися, и виждь на́шу нестерпи́мую печа́ль, болѣзни, ско́рби, стра́сти, и благопреме́нно посети́, Ма́ти Бо́жия, ра́дость ско́рую подаю́щи.

Пресвята́я Госпоже́ Богородице, услы́ши моли́тву раб Свои́х, моля́щихся Тебе́.

Не неприча́стни есмы́, Влады́чице, Твоего́ заступле́ния в ско́рбех, те́мже и ны́не нам помози́ вско́ре, лю́те обурева́емым, ру́ку простира́ющи, Чи́стая. Буди ми́лостива болѣзнем на́шим, Ма́ти Бо́жия, ра́дость ско́рую подаю́щи.

Слава: Не упова́ша, Влады́чице, на Тя беззаконну́ющи, но упова́ша на язы́к челове́ч, при́сно зависти́но излия́вшийся, непра́ведно проли́яти кровь и́скренняго, рыка́юще, Ты же, Чи́стая, че́люсти их сокруши́.

И ныне: Смири́, Влады́чице, враго́в вознесе́нную вѣю велере́чующих, сове́ты, и злонра́вия, и сердца́, поуча́ющаяся злым, на мя по вся дни, кре́пость же и побѣду пода́ждь призыва́ющим Тя, Ма́ти Бо́жия, ра́дость ско́рую подаю́щи.

Спаси́ от бед рабы́ Твоя́, Богородице, я́ко вси по Бо́зе к Тебе́ прибега́ем, я́ко неруши́мей стене́ и предста́тельству (*ПОКЛОН*).

Песнь 5

Ирмос: Угль, Иса́ии проявле́йся, Со́лнце из дѣвственны́я утробы́ возсия́ во тьме заблуждшим, Богоразу́мия просвеще́ние да́руя.

Пресвята́я Госпоже́ Богородице, услы́ши моли́тву раб Свои́х, моля́щихся Тебе́.

Моли́твеннице нело́жная, упова́ние христиа́н, Обра́дованная, приими́ мольбы́ от нас, приле́жно призыва́ющих и моля́щихся Тебе́.

Пресвята́я Госпоже́ Богородице, услы́ши моли́тву раб Свои́х, моля́щихся Тебе́.

Источник Тя жизни сущий, Чистая, безсмертия
источающий воды, земнороднии, познавше, убожаем.

Слава: Вооружися на ны лукавно враг, языком, якоже
мечем, погубити хотя, но Твоею, Богородительнице,
крепостию предвари.

И ныне: Пучину, Чистая, заступлений кто изочтет силы
Твоея? Темже нас, сущих в нужде, скоро предвари.

Спаси от бед рабы Твоя, Богородице, яко вси по Бозе к Тебе
прибегаем, яко нерушимей стени и предстательству (ПОКЛОН).

Песнь 6

Ирмос: В бездне греховней валяясь, неизследную милосердия
Твоего призываю бездну: от тли, Боже, мя возведи.

Пресвятая Госпоже Богородице, услыши молитву раб Своих,
молящихся Тебе.

Целомудрия сущи ходатаица, призывающим Тя ныне
явися и от всяких избави напастей и бед, Богоневесто.

Пресвятая Госпоже Богородице, услыши молитву раб Своих,
молящихся Тебе.

Злодейства вражия разори и клеветы неправедныя устави,
Благословенная Пречистая, избавляющи неповинныя от
скорби.

Слава: Лютыми грехи окружени и напастными бедами
потопляеми, под Божественный покров Твой прибегаем,
Мати Христа Бога.

И ныне: Неискусомужно рождши Господа, явися по
рождестве паки девствующи. О, преславнаго чудесе, в Тебе
соделаннаго, Богоневесто.

Спаси от бед рабы Твоя, Богородице, яко вси по Бозе к Тебе
прибегаем, яко нерушимей стени и предстательству (ПОКЛОН).

Господи, помилуй (трижды). Слава, и ныне.

Кондак, глас 6-й

Предстательство христиан непостыдное, ходатайство ко

Творцú непрелóжное, не прéзри грéшных молéний глáсы, но предварí, я́ко благáя, на по́мощь нас, вéрно зову́щих Ти, ускори́ на моли́тву и потщи́ся на умоле́ние, предста́тельствующи при́сно, Богоро́дице, чту́щих Тя.

Икос

Простри́ длáни Свои́, íмиже всех Влады́ку, я́ко Младенца, прия́ла еси́, не оста́ви нас, всегда́ наде́ющихся на Тя. Бо́дренною Твоею́ моли́твою и неисче́тною бла́гостию ущéдри нас и пода́ждь душáм нáшим милосéрдие Своё, в вéки источáющи, Тебé бо íмамы, грéшнии, заступни́цу от находя́щих на ны бед и зол, но я́ко иму́щая милосéрдия щедрóты, ускори́ на моли́тву и потщи́ся на умоле́ние, заступа́ющи при́сно, Богоро́дице, чту́щих Тя.

Песнь 7

Ирмос: Да преслáвное рождество́ Твое́, Христé, е́же от Дéвы, прообрази́ши я́ве, неопали́мы в пещи́ о́троки сохрани́л еси́, пéсньми пою́щия Тебé: отцéв Бóже, благословéн еси́.

Пресвятáя Госпоже́ Богоро́дице, услы́ши моли́тву раб Свои́х, моля́щихся Тебé.

О, благоутрóбия Твоегó, Дéво Чíстая, реши́ши бо безмёрныя печáли и напа́сти призывáющим в нужде́ и обстоя́нии. Тёмже и ны́не помози́, Благословéнная, Тя восхваля́ющим.

Пресвятáя Госпоже́ Богоро́дице, услы́ши моли́тву раб Свои́х, моля́щихся Тебé.

Покажи́ скóрое Твое́ заступле́ние, покажи́, я́ко мо́жеша я́ко Мáти Бóга, призывáем Тя от сéрдца, со слезáми припада́юще, скорбь укроти́ и болéзнь рабóв Твои́х вскóре.

Слава: Уста́ челове́ков, я́ко львов лю́тых, грóба тяжча́йше отверзо́шася го́рько поглоти́ти мя, но Ты, Богоро́дице, яви́ся наде́жда ненаде́ющимся и низложи́ крéпость их, Благословéнная.

И ны́не: Да ўзрят врази́ и постыда́тся, да уразуме́ют и ви́дят Твою́, е́же по нам сопроти́в борю́щую си́лу, и в про́пасть преиспо́дную низложи́ их, Благословéнная,

надѣждо ненадѣющихся.

Спаси́ от бед рабы́ Тво́я, Богоро́дице, ꙗко вси по Бóзе к Тебѣ прибега́ем, ꙗко неруши́мей стѣнѣ и предстáтельству (ПОКЛОН).

Песнь 8

Ирмос: Пещь иногда́ о́гненная в Вавило́не дѣйства разделяше, Бóжиим велѣнием халдѣи опаля́ющая, вѣрныя же ороша́ющая, пою́щая: благослови́те, вся дела́ Господня́, Го́спода.

Пресвятáя Госпоже́ Богоро́дице, услы́ши моли́тву раб Свои́х, моля́щихся Тебѣ.

Прибе́жище на́ше и ми́ру ра́дование, Богороди́тельнице, умилосѣрдитися потщи́ся и спѣшно благода́ть Твою́ пода́ждь нам, оскорблѣ́нным, и заступи́, Блага́я, Тво́я рабы́.

Пресвятáя Госпоже́ Богоро́дице, услы́ши моли́тву раб Свои́х, моля́щихся Тебѣ.

Совет сýетен совеща́ша лю́те на ны безбо́жных со́нмища, ꙗкоже прѣ́жде Ахитофѣ́л. Но вопи́ем: Твои́ми моли́твами сей разори́, низло́жши сих крѣ́пость, Богоро́дице.

Слава: Призыва́ющих Тя, Богоро́дице, от души́ нелóжно во вся́кой скóрби, и в болѣ́знях разли́чных, и беда́х лю́тых спѣшно услы́ши, Влады́чице, сих избавля́ющи прѣ́сно моли́твами Твои́ми.

И ныне: Да и́мя Твоѣ́, Богоро́дице, на земли́ славослóвится, Иже, из Тебѣ́ возсия́в, грѣ́шником держа́вную надѣ́жду и стѣ́ну Тя дарова́: Тобо́ю бо вся́кое дыха́ние к Бóгу притека́ет.

Спаси́ от бед рабы́ Тво́я, Богоро́дице, ꙗко вси по Бóзе к Тебѣ́ прибега́ем, ꙗко неруши́мей стѣнѣ и предстáтельству (ПОКЛОН).

Песнь 9

Ирмос: Недоуме́ет всяк язы́к благохвали́ти по достоя́нию, изумева́ет же ум и премѣ́рный пѣти Тя, Богоро́дице, оба́че, блага́я сýщи, вѣру приими́, ꙗ́ко любовь́ вѣси Божѣ́ственную на́шу, Ты бо христиа́н еси́ предстáтельница, Тя велича́ем.

Пресвятáя Госпоже́ Богоро́дице, услы́ши моли́тву раб Свои́х, моля́щихся Тебѣ.

Да заградится всяк язык, лукавым поучаяйся, да молчат устна льстивая и уста, неправедно глаголющая на праведнаго беззаконие гордынею и завистию враждебною вкупе, Богородицы молитвою и святых Христовых.

Пресвятая Госпоже Богородице, услыши молитву раб Своих, молящихся Тебе.

В молитвах бодрую, Чистую Богородицу призываем вси, болѣзнию и скорбию одержими, взывающе: Владычице Чистая, скоро избави от обдержавших болѣзней рабы Твоя присно, яко по Бозе заступницы инья не имамы.

Слава: Отчаявшихся велие прибежище, обуреваемых тихое пристанище Ты еси, Богородице. Темже и мы притекаем, взывающе: да не постыдимся, Мати истиннаго Живота, но да, благодаряще, усердно Тя величаем.

И ныне: Приими, Отроковице Пречистая, Божественную песнь, воздаючи благодать на Тя надеющимся, и мир испроси Церквам присно послати и отечеству нашему одоления и победы, да христианский всяк язык Тя величает.

Спаси от бед рабы Твоя, Богородице, яко вси по Бозе к Тебе прибегаем, яко нерушимей стени и предстательству (ПОКЛОН).

Молитва

Надеждо всех концев земли, Пречистая Дѣво, Госпоже Богородице, утешение мое! Не гнушайся мене, грешнаго, на Твою бо милость уповаю: угаси ми пламень греховный и покаянием ороси изсохшее мое сердце, очисти ум мой от греховных помыслов, приими мольбу, от души и сердца со вздыханием приносивую Тебе. Буди о мне ходатаица к Сыну Твоему и Богу и укроти гнев Его матерними Твоими молитвами, душевныя и телесныя язвы исцели, Госпоже Владычице, утоли болѣзни души и тела, утиши бурю злых нападений вражеских, отыми бремя грехов моих, и не остави мене до конца погибнути, и печалию сокрушенное сердце мое утѣши, да славлю Тя до послѣдняго издыхания моего. Аминь.